

全唐詩



全唐詩目 第十函

第五冊

羅虬 一卷

鄭損

張禕

盧端

李廷璧

許三畏

盧嗣業

牛嶠

鄭合

李搏

李克恭

程賀

盧尚卿

顧在鎔

翁洮

李嶼

蔡啓

韓儀

溫憲

姚巖孫 六一卷

高蟾 一卷

章碣 一卷

秦韜玉 一卷



唐彥謙 二卷

周朴 一卷

全唐詩

羅虬

羅虬台州人詞藻富贍與隱鄴齊名世號三羅累舉不第為鄜州從事比紅兒詩百首編為一卷

比紅兒詩

并序

比紅者為雕陰官妓杜紅兒作也美貌年少機智慧悟不與羣輩妓女等余知紅者迺擇古之美色灼然於史傳三數十輩優劣於章句間遂題比紅

詩

廣明中虬為李孝恭從事籍中有善呂歌者杜紅兒虬今之歌贈以綠孝恭以紅兒為副戎所盼不令受虬怒手刃紅兒既而追其寃作比紅詩

姓字看侵尺五天芳菲

一作名

占斷百花鮮馬嵬好笑當時

事虛賺明皇幸蜀川

金谷園中花正繁  
墜樓從道感深恩  
齊奴却是來東市  
不爲紅兒死更冤

陷却平陽爲小憐  
周師百萬戰長川  
更教乞與紅兒貌  
舉國山川一作不值錢

一曲都緣張麗華  
六宮齊唱後庭花  
若教比竝紅兒貌  
枉破當年國與家

樂營門外柳如陰  
中有佳人畫閣深  
若是五陵公子見  
買時應不啻一作惜千金

青絲高綰石榴裙  
腸斷當筵酒半醺  
置向漢宮圖畫裏  
胡應不數昭君

斜凭欄杆醉態新  
斂眸微盼不勝春  
當時若遇東昏主

金葉蓮花是此人

匝匝千山與萬山  
碧桃花下景長閑  
神仙得似紅兒貌  
應免劉郎憶世間

越山重疊越溪斜  
西子休憐解浣紗  
得似紅兒今日貌

宵教將去與一作見夫差

詔下人間覓一作選好花  
月眉雲髻一作畫名選人家  
紅兒若向當

時見繫臂先封第一紗

鋒鏑縱橫不敢看  
淚垂玉筍正沈瀾  
應緣近似紅兒貌  
始得深宮奉五官

金縷濃薰自和香  
臉紅眉黛入時妝  
當時便向喬家見  
未敢將心在窈娘



通宵甲帳散香塵漢帝精神禮百神若見紅兒醉中態  
也應休憶李夫人

拔得芙蓉出水新魏家公子信才人若教瞥見紅兒貌  
不甯留情付洛神

芳姿不合竝常人雲在遙天玉在塵因事愛思荀奉倩  
一生閑坐枉傷神

筆底如風思湧泉賦中休謾說嬋娟紅兒若在東家住  
不得登牆爾許年

一抹濃紅傍臉斜妝成不語獨攀花當時若是逢韓壽  
未必埋蹤在賈家

樹裏西風日半沈地無人跡轉傷心阿嬌得似紅兒貌

不費長門買賦金

五雲高捧紫金堂花下投壺侍玉皇從到一作道世人都不識也應知有杜蘭香

戲水源头指舊蹤當時一笑也難逢紅兒若為迴桃臉豈比連催舉五烽

虢國夫人照夜璣若為求得與紅兒醉和香態濃春睡

一作裏一樹繁花偃繡幃

知有持盈玉葉冠剪雲裁月照人寒若使紅兒風帽一作貌戴直使瑤池會上看

明媚何曾讓玉環破瓜年幾百花顏若教貌向南朝見定却梅妝似等閒



世事悠悠未足稱  
官將閑事更爭能  
自從命向紅兒去  
斷一作不欲留心在裂繒

自隱新從夢裏來  
嶺雲微步下陽臺  
含情一向春風笑  
羞殺凡花盡不開

捨却青娥換玉鞍  
古來公子苦無端  
莫言一匹追風馬  
天驥牽來也不看

檻外花低瑞露濃  
夢魂驚覺暈春容  
憑君細看紅兒貌  
最稱嚴妝待曉鐘

薄羅輕剪越溪紋  
鴟翅低垂兩鬢分  
料得相如偷見面  
不應琴裏挑文君

南國東隣各一時  
後來惟有杜紅兒  
若教楚國宮人見

羞把腰身竝柳枝

照耀金釵簇膩髮見時直向畫屏間黃姑阿母能判剖  
十斛明珠也是閑

輕小休誇似燕身生來占斷紫宮春漢皇若遇紅兒貌  
掌上無因著別人

鸚鵡娥如裊露紅鏡前眉樣自深宮稍教得似紅兒貌  
不嫁南朝沈侍中

擬將心地學安禪爭柰紅兒笑靨圓何物把來堪比竝  
野塘初綻一枝蓮

浸草漂花遶檻香最憐穿度樂營牆殷勤留滯緣何事  
曾照紅兒一面妝

雕陰舊俗

一作似

騁嬋娟有箇紅兒賽洛川常笑世人語虛

一作多誑

誕今朝自見火中蓮

渡口諸儂樂未休竟陵西望路悠悠石城有箇紅兒貌  
兩槩無因迎莫愁

誰向深山識大仙勸人山上引春泉定知不及紅兒貌  
枉却工夫漑玉田

傾國傾城總絕倫紅兒花下認真身十年東北看燕趙  
眼冷何曾見一人

今時自是

一作謂

不諳知前代由來豈

一作事

見遺

一作爲

一笑陽城

人便惑何堪教見杜紅兒

京口喧喧百萬人競傳河鼓謝星津柰花似雪簪雲髻

今日天容是後身

青史書時未是真可能纖手一作智却強秦再三爲謝齊皇

后要解連環別與人

繡帳鴛鴦對刺紋博山微暖麝微熏詩成一作人若有紅兒

貌悔道當時月墜雲

薄粉輕朱取次施大都端正亦相宜只如花下紅兒態

不藉城中半額睂

妝成渾欲認前朝金鳳雙釵逐步搖未必慕容宮裏伴

舞風歌月勝纖腰

琥珀釵成恩正深玉兒妖惑蕩君心莫教回首看妝面

始覺曾虛擲萬金



自有閑花一面春  
臉檀香黛一時新  
殷勤爲報梁家婦  
休把啼妝賺後人

輕梳小髻號慵來  
巧中君心不用媒  
可得紅兒拋醉眼  
漢皇恩澤一時迴

千里長江旦暮潮  
吳都風俗尚纖腰  
周郎若見紅兒貌  
料得無心念小喬

月落潛奔暗解攜  
本心誰道獨單棲  
還緣交甫非良偶  
不肖終身作羿妻

漢皇曾識許飛瓊  
寫向人間作畫屏  
昨日紅兒花一作簾下  
見大都相似更娉婷

魏帝休誇薛夜來  
霧綃雲縠稱身裁  
紅兒秀一作笑發君知

否倚檻繁花帶露開

曉月雕梁燕語頻見花難可比他人年年媚景歸何處  
長作紅兒面上春

逗玉濺盆冬殿開邀恩先賜夜明苔紅兒若是二千數  
多少芳心似死灰

畫簾垂地紫金牀暗引羊車駐七香若見紅兒此中住  
不勞鹽篠灑宮廊

蘇小空勻

一作  
輕勻

一面妝便留名字在

一作  
若

錢塘藏鴉門外諸

年少不識紅兒未是狂

一首長歌萬恨來惹愁漂泊水難迴崔徽有底多頭面  
費得微之爾許才



昔年黃閣識奇章愛說真珠似窈娘若見紅兒深夜一作夜深

態便應休說繡衣裳

鳳折鶯一作鶯離恨轉深此身難負百年心紅兒若向隋朝

見破鏡無因更重尋

行綰穠雲立暗一作暗軒我來猶愛不成寬當時若見紅兒

貌未必那一作那相有此言

總似一作是紅兒媚態新莫論千度笑爭春任伊孫武心如

鐵不辨軍前殺此人

暖塘爭赴盪舟期行唱菱歌著艷詞為問東山謝丞相

可能諸妓勝紅兒

吳興皇后欲辭家澤國重臺展曙華今日紅兒貌傾國

恐須真宰別開花

陌上行人歌黍離三千門客欲何之若教麤及紅兒貌  
爭敢樓前斬愛姬

休話如臯一笑時金幣一作中臆錦離披陋容枉把雕弓

射射盡春禽未展眉

長恨西風送早秋低眉深恨一作念嫁牽牛若同人世長相

對爭作夫妻得到頭

謝娘休漫逞風姿未必娉婷勝柳枝聞道只因嘲落絮

何曾得似杜紅兒

總傳桃葉渡江時只爲王家一首詩今日紅兒自堪賦

不須重唱舊來詞

巫山洛浦本無情，總爲佳人便得名。今日雕陰有神艷，  
後來公子莫相輕。

幾拋雲髻恨金墉，淚洗花顏百戰中。應有紅兒些子貌，  
却言皇后長深宮。

倚檻還應有所思，半開東閣見嬌姿。可中得似紅兒

貌，若遇韓朋好殺伊。

曉向妝臺紗窗作與畫眉鏡中長，欲助嬌姿若教得似紅兒

貌，走馬章臺任道遲。

練得霜華助翠鈿，相期朝謁玉皇前。依稀有似紅兒貌，  
方得吹簫引上天。

重門深掩幾枝花，未勝紅兒莫大誇。王相一作玉柄不能探物

理可能虛上短轅車

前代休憐事可奇後來還出有光輝爭知晝臥紗窗裏

不見

一作有

神人覆玉衣

化羽

一作羽化

嘗聞赴九天只疑塵世是虛傳自從一見紅兒

貌始信人間有謫仙

從道長陵小市東巧將花貌占春風紅兒若是同時見

未必伊先入紫宮

人間難免是深情命斷紅兒向此生一作何似前時李丞

相枉拋才力爲鶯鶯

鳳舞香飄繡幕風暖穿馳道百花中還緣有似紅兒貌

始道迎將入漢宮



休道將軍出世才盡驅諸妓下歌臺都緣沒箇紅兒貌  
致使輕教後閣開

馮媛須知住漢宮將身只是解當熊不聞有貌傾人國

爭得今朝更似

一作紅

能將一笑使人迷花艷何須上大堤疎屬便同巫峽路

洛川真是武陵溪

辭輦當時意可知寵深還恐寵先衰若教得似紅兒貌

占却君恩自不疑

三吳時俗重風光未見紅兒一面妝好寫妖嬈與教看

便應休更話真娘

波平楚澤浸星辰臺上君王宴早春畢竟章華會中客

冠纓虛絕爲何人

紅兒不向漢宮生  
便使雙成謾得名  
疑是麻姑惱塵世  
暫教微步下層城

天碧輕紗只六銖  
宛如一作風含露透肌膚  
便教漢曲爭明

媚應沒心情更弄珠

共嗟含恨向衡陽  
方寸花牋寄沈郎  
不似紅兒些子貌  
當時爭得少年狂

淺色桃花亞短牆  
不因風送也聞香  
凝情盡日君知否  
還似紅兒淡薄妝

火色櫻桃摘得初  
仙宮只有世間無  
凝情盡日君知否  
真似紅兒口上朱



宿雨初晴春日長入簾花氣靜難忘凝情盡日君知否  
真似紅兒舞袖香

初月纖纖映碧池池波不動獨看時凝情盡日君知否  
真似紅兒罷舞簪

濃艷濃香雪壓枝裏煙和露曉風吹紅兒被掩妝成後  
含笑無人獨立時

樓上嬌歌裏夜霜近來休數踏歌娘紅兒謾唱伊州遍  
認取輕敲玉韻長

金粟妝成扼臂環舞腰輕薄一作轉瑞雲間紅兒生在開元  
未羞殺新豐謝阿蠻

君看紅兒學醉妝誇裁宮禎研裙長誰能更把閑心力

比竝當時武媚娘

梔子同心裛露垂折來深恐没人知  
花前醉客頻相問不贈紅兒贈阿誰

雲間翡翠一雙飛水上鴛鴦不暫離  
寫向人間百般態與君題作比紅詩

舊恨長懷不語中幾回偷泣向春風  
還緣不及紅兒貌却得生教入楚宮

一舸春深指鄂君好風從度水成紋  
越人若見紅兒貌繡被應羞徹夜薰

花落塵中玉墮泥香魂應上窈娘堤  
欲知此恨無窮處長倩城烏夜夜啼

句

窗前遠岫懸生碧簾外殘霞挂熟紅

一作桃花臉熟紅見語林

晴野主對人

舊野尋劍不語中幾回偷並向春風豈戀不及珠兒態

與香眠并出

雲間翡翠一雙飛木土鷺鴦不漕鰲寫向人間百鍊諶

不韻珠兒韻何能

張子同心暮霞垂並來彩瑟爰入咲前酒客賦時問

出並當胡左歌賦

全唐詩

鄭損

鄭損僖宗時中書舍人詩六首

星精亭

通江志云妙觀有星精石唐人刻篆甚多損詩尚存時書銜為推官

星沈萬古痕孤絕勢無鄰一作聲地窄少留竹空多剩占雲  
釣篷和雨看樵斧帶霜聞莫惜尋常到清風不負人

釣閣

小閣愜幽尋周遭萬竹森誰知一沼內亦有五湖心  
釣直魚應笑身閑樂自深晚來春醉熟香餌任浮沈

玉聲亭

世間泉石本無價那更天然落景中漢佩琮瑋寒溜雨



秦蕭縹緲夜敲風一方清氣羣陰伏半局閑棋萬慮空  
借問主人能住久後來好事有誰同

藝堂

堂開凍石千年翠藝講秋膠百步威揖讓未能忘典禮  
英雄孰不慣戎衣風波險似金機駭日月忙如雪羽飛  
莫怪尊前頻浩歎男兒志願與時違

星精石

突險呀空龍虎蹲由來英氣蓄寒根蒼苔點染雲生靨  
老雨淋漓鐵漬痕松韻遠趨疑認祖山陰輕覆似憐孫  
孤巖恰恰容幽構可愛江南釋子園

泛香亭

流杯處處稱佳致何似斯亭出自然山溜穿雲來幾里  
石盤和蘚鑿何年聲交鳴玉歌沈板色愧寒金酒滿船  
莫怪坐中難得醉醒人心骨有潺湲

張禕

張禕字冠章南陽人官中書舍人從僖宗幸蜀終兵部  
尚書詩二首

巴州寒食晚眺

東望青天周與秦杏花榆葉故園春野寺一傾寒食酒  
晚來風景重愁人

題擊甌樓

駐旌元帥遺風在擊缶高人逸興酣水轉巴文清溜急



山連蒙岫翠光涵

盧攜

盧攜字子升范陽人擢進士第由臺省歷戶部侍郎翰林學士乾符中拜門下侍郎同平章事黃巢入關仰藥死詩一首

題司空圖壁

姓氏司空貴官班御史卑老夫如且在不用歎屯奇

李廷璧

李廷璧僖宗朝登進士第詩一首

愁詩

到來難遣去難留著骨黏心萬事休潘岳愁絲生鬢裏

婕妤悲色上睂頭長途詩盡空騎馬遠雁聲初獨倚樓  
更有相思不相見酒醒燈背月如鉤

許三畏

許三畏僖宗時進士詩一首

題菖蒲廢觀

本是安期燒藥處今來改作坐禪宮數僧梵響滿樓月  
深谷猿聲半夜風金簡事移松閣迥綵雲影散閨山空  
我來不見修真客却得真如問遠公

盧嗣業

盧嗣業范陽人綸之孫也乾符五年登進士第廣明初  
以長安尉直昭文館累遷右補闕後辟都統判官檢校

禮部郎中詩一首

致孫狀元訴釀罰錢

北里志云曲內妓之頭角者為都知分管諸妓俾追召勻曲中常價一席四銀

見燭即倍新郎君更倍其數云復分錢鄭舉舉者善今章與絳真互為席糾皆都知也是年孫俸為狀元頗惑舉舉與同年侯潛杜彥殊崔昭憲趙光逢盧擇李茂勳數人多在其舍他人不得預嗣業與同年非舊知聞多稱力窮不遵釀罰故有此篇

未識都知面頻輸復分錢苦心事筆硯得志助花鈿徒步求秋賦持杯給暮饘力微多謝病非不奉同年

牛嶠

牛嶠字松卿一字延峰隴西人自云僧孺之孫乾符五年登進士第歷官尚書郎王建鎮蜀辟判官及僭位為給事中歌詩三卷今存六首

紅薔薇

曉啼珠露渾無力  
繡簇羅襦不著行  
若綴壽陽公主額  
六宮爭肯學梅妝

楊柳枝五首

解凍風來末上青  
解垂羅袖拜卿卿  
無端裊娜臨官路  
舞送行人過一生

吳王宮裏色偏深  
一簇纖條萬縷金  
不憤錢塘蘇小小  
引郎松一作枝下結同心

橋北橋南千萬條  
恨伊張緒不相饒  
金羈白馬臨風望  
認得羊家靜婉腰

狂雪隨風撲馬飛  
惹煙無力被春欺  
莫交移入靈和殿  
宮女三千又妬伊



裏翠籠煙拂暖波舞裙新染麴塵羅章華臺畔隋堤上  
傍得春風爾許多

鄭合

一作鄭合敬

鄭合乾符三年登第終諫議大夫詩一首

及第後宿平康里詩

春來無處不閑行楚潤相看別有情好是五更殘酒醒  
時時聞喚狀頭聲

李搏

李搏登乾符進士第詩二首

賀裴廷裕蜀中登第詩

銅梁千里曙雲開仙籙新從紫府來天上已張新羽翼

世間無復舊塵埃嘉禎果中君平卜賀喜須斟卓氏杯  
應笑戎籥刀筆吏至今泥滓曝魚鰓

復謔廷裕

曾隨風水化凡鱗安上門前一字新聞道蜀江風景好  
不知何似杏園春

李克元恭

李克恭乾符中舉子詩一首

弔賈島

一一玄微縹緲成盡吟方便爽神情宣宗謫去為閑事  
韓愈知來已振名海底也應搜得淨月輪常被翫教傾  
如何未隔四十載不遇論量向此生

程賀

程賀中和二年登進士第詩一首

君山

曾游方外見麻姑說道君山此本無云是崑崙山頂石  
海風吹落洞庭湖

盧尚卿

盧尚卿中和二年登第詩一首

東歸詩

九重丹詔下塵埃深鎖文闈罷選才桂樹放教遮月長  
杏園終待隔年開自從玉帳論兵後不許金門諫獵來  
今日灞陵橋上過路人應笑臘前迴

顧在鎔

顧在鎔蘇州人光啓二年進士第詩三首

題玉芝雙奉院

入門如洞府花木與時稀  
夜坐山當戶秋吟葉滿衣  
犬隨童子出鳥避俗人飛  
至藥應將熟年年火氣微

宿麻平驛

及到怡情處暫忘登陟勞  
青山看不厭明月坐來高  
犬爲孤村吠猿因冷木號  
微吟還獨酌多興憶同袍

題光福上方塔

蒼島孤生白浪中倚天高塔勢翻空  
煙凝遠岫列寒翠霜染疎林墮碎紅  
汀沼或栖彭澤雁樓臺深貯洞庭風



六時金磬落何處偏傍蘆葦驚釣翁

翁洮

翁洮字子平睦州人光啓三年進士第官主客員外郎  
歸隱青山徵召不起詩十三首

枯木詩辭召命作

枯木傍溪崖由來歲月賒有根盤水石無葉接煙霞二  
月苔爲色三冬雪作花不因星使至誰識是靈槎

贈進士王雄

河清海晏少波濤幾載垂鉤不得鰲空向人間修諫草  
又來江上詠離騷笳吹古堞邊聲遠嶽倚晴空楚色高  
何事明廷有徐庶總教三徑臥蓬蒿

漁者

一葉飄然任浪吹，雨蓑煙笠肯忘機。  
只貪濁水張羅衆，却笑清流把釣稀。  
葦岸夜依明月宿，柴門晴擢白雲歸。  
到頭得喪終須達，誰道漁樵有是非。

上子男壽昌宰

陶公爲政卓潘齊，入縣看花柳滿堤。  
百里江山聊展驥，九臯雲月怪驅雞。  
高樓野色迎襟袖，比屋歌聲遠鼓鼙。  
只恐攀轅留不住，明時霄漢有丹梯。

贈方干先生

由來箕踞任天真，別有詩名出世塵。  
不愛春宮分桂樹，欲教天子枉蒲輪。  
城頭鼙鼓三聲曉，島外湖山一簇春。

獨向若耶溪上住誰知不是釣鰲人

贈進士李德新接海棠梨

蜀人猶說種難成何事江東見接生席上若微桃李伴  
花中堪作牡丹兄高軒日午爭濃豔小徑風移旋落英  
一種呈妍今得地劒峯梨嶺謾縱橫

春日題航頭橋

故園橋上絕埃塵此日凭欄興自新雲影晚將仙掌曙  
水光迷得武陵春薜蘿煙裏高低路楊柳風前去住人  
莫怪馬卿題姓字終朝雲雨化龍津

和方干題李頻庄

高情度日非無事自是高情不覺喧海氣暗蒸蓮葉落

山光晴逗葦花村吟時勝槩題詩板靜處繁華付酒尊  
閑伴白雲收桂子每尋流水斲桐孫猶憑律呂傳心曲  
豈慮星霜到鬢根多少清風歸此地十年虛打五侯門

葦藪

得地自成藪那因種植功有花皆吐雪無韻不含風倒  
影翹沙鳥幽根立水蟲蕭蕭寒雨夜江漢思無窮

春

漠漠煙花處處通游人南北思無窮林間鳥奏笙簧月  
野外花含錦繡風鸞抱雲霞朝鳳闕魚翻波浪化龍宮  
此時誰羨神仙客車馬悠揚九陌中

夏



觸目皆因長養功，浮生何處問窮通。  
柳長北闕絲千縷，雲簇南山火萬籠。  
大野煙塵飄赫日，高樓簾幙逗薰風。  
身心已在喧闐處，惟羨滄浪把釣翁。

秋

第七句  
缺一字

宋玉高吟思萬重，澄澄寰宇振金風。  
雲閑日月浮虛白，木落山川疊碎紅。  
寥泬鴈多宮漏永，河渠煙斂塞天空。  
侯門處處槐花，獻賦何時遇至公。

冬

寂寂棲心向杳冥，苦吟寒律句偏清。  
雲凝止水魚龍蟄，雪點遙峰草木榮。  
迴夜爐翻埃燼色，天河冰輾轆轤聲。  
歸飛未得東風力，翫斷三山九萬程。

李嶼

李嶼光啟三年進士第詩一首

過洞庭

浩渺注橫流千潭合萬湫半洪侵楚翼一汊屬吳頭動  
軸當新霽漫空正仲秋勢翻荊口迳聲擁岳陽浮遠脈  
滋衡岳微涼散橘洲星辰連影動嵐翠逐隅收漸落分  
行鴈旋添趁伴舟昇騰人莫測安穩路何憂氣與塵中  
別言堪象外搜此身如麤了來把一竿休

鄭啓

鄭啓宜春人谷之元也詩三首

嚴塘經亂書事

塵生宮闕霧濛濛萬騎龍飛幸蜀中  
在野傳巖君不夢乘軒衛懿鶴何功  
雖知四海同盟久未合中原武備空  
星落夜原妖氣滿漢家麟閣待英雄  
梁園皓色月如珪清景傷時一慘悽  
未見山前歸牧馬猶聞江上帶征鞞  
爲魚隊潛鱗困鶴處雞羣病翅低  
正是四郊多壘日波濤早晚靜鯨鯢

鄧表山

白日二清此上時觀開山下彩雲飛  
仙壇丹竈靈猶在鶴駕清朝去不歸  
晉末幾遷陵谷改塵中空換子孫非  
松花落盡無消息半夜疎鐘徹翠微

韓儀

韓儀字羽光京兆萬年人偓之兄也以翰林學士爲御史中丞朱全忠貶爲棗州司馬詩一首

記知聞近過關試

短行軸了付三銓休把新銜惱必先今日便稱前進士  
好畱春色與明年

溫憲

溫憲庭筠之子登進士第光啓中爲山南從事詩四首

郊居

村前村後樹寓賞有餘情青麥路初斷紫花田未耕雉  
聲聞不到山勢望猶橫寂寞春風裏吟酣信馬行

杏花



團雪上晴梢紅明映碧寥店香風起夜村白雨休朝靜  
落猶和一作頻蒂繁開正蔽條澹然閑賞久無以破妖嬈

春鳩

村南微雨新平綠淨無塵散睡桑條暖閑鳴屋脊春遠  
聞和曉夢相應在諸鄰行樂花時節追飛見亦頻

題崇塵寺壁

十口溝隍待一身半年千里絕音塵鬢毛如雪心如死  
猶作長安下第人

姚巖傑

姚巖傑梁公崇裔孫以詩酒放遊江左象溪子二十卷

今存詩一首

唐詩 報顏標

為報顏公識我麼  
我心唯只與天和  
眼前俗物關情少  
醉後青山入意多  
田子莫嫌彈鋏恨  
甯生休唱飯牛歌  
聖朝若為蒼生計  
也合公車到薜蘿

途中餘夜

南北浮萍跡  
年華一指  
惟殘燈  
照  
書  
清  
夜  
長  
欲  
漸  
侵  
雪  
心  
仙  
才  
有  
灰  
金  
門  
管  
先  
已  
誰  
為  
脫  
塵  
埃

長門怨  
何  
勞  
莫  
古  
春  
君  
前  
誰  
是  
有  
平  
天  
及  
日  
日

五  
豎  
塵  
重  
日  
日

村南微雨... 聞和晚夢... 題素塵寺壁

題素塵寺壁

十日蕭陰... 一身半年

聖障苦為蒼主信也合公車

輜於青山人意多田子莫兼戰始別齊主朴即

為辨敵公端非爽非必聖只與天味則前谷

今存詩辨敵對

全唐詩

高蟾

高蟾河朔人乾符三年登進士第乾寧間爲御史中丞  
詩一卷

途中除夜

南北浮萍跡年華又暗催殘燈和臘盡曉角帶春來鬢  
欲漸侵雪心仍未肯灰金門舊知己誰爲脫塵埃

長門怨

天上何勞萬古春君前誰是百年人魂銷尚媿金爐燼  
思起猶慚玉輦塵煙翠薄情攀不得星茫浮艷採無因  
可憐明鏡來相向何似恩光朝夕新



秋日寄華陽山人

雲木送秋何草草風波凝冷太星星銀鞍公子魂俱一作堪  
斷玉弩將軍涕自零茅洞白龍和雨看荆溪黃鵠帶霜  
聽人間不見清涼事猶向溪翁乞畫屏

感事

濁河從北下清洛向東流清濁皆如此何人不白頭

楚思

疊浪與雲急翠蘭和一作如意香風流化爲雨日暮下巫陽

雪中

金閣倚雲開朱軒犯雪來三冬辛苦樣天意似難裁  
道中有感

一醉六十日一裘三十年年華經一作禁幾日日日掉征鞭

宋汴道中

平野有千里居人無一家甲兵年正少日久戍天涯

秋思

天地太蕭索山川何渺茫不堪星斗柄猶把歲寒量

即事

三年離水石一旦隱樵漁爲問青雲上何人識卷舒

漁家

野水千年在閑花一夕空近來浮世狹何似釣船中

關中

風雨去愁晚關河歸思涼西遊無紫氣一夕九回腸

歸思

紫府歸期斷芳洲別思迢黃金作人世只被歲寒消

下第出春明門

曾和秋雨驅愁入却向春風領恨回深謝灞陵隄畔柳  
與人頭上拂塵埃

華清宮

何事金輿不再遊翠鬟丹臉豈勝愁重門深鎖禁鐘後  
月滿驪山宮樹秋

秋日北固晚望二首

風含遠思悠悠晚日照高情的的秋何事滿江惆悵水  
年年無語向東流

澤國路岐當面苦  
江城砧杵入心寒  
不知白髮誰醫得  
爲問無情歲月看

送張道士

因將歲月離三島  
閑貯風煙在一壺  
爲問金烏頭白後  
人間流水却回無

吳門春雨

吳甸落花春漫漫  
吳宮芳樹晚沉沉  
王孫不耐如絲雨  
胥斷春風一寸心

旅夕

一作食

風散古陂驚宿鴈  
月臨荒戍起啼鴉  
不堪吟斷無人見  
時復寒燈落一花



瓜洲夜泊

偶爲芳草無情客，況是青山有事身。  
一夕瓜洲渡頭宿，天風吹盡廣陵塵。

金陵晚望

曾伴浮雲歸一作悲晚，翠猶一作旋陪落日。  
泯秋聲，世間無限丹青手，  
一片一作眼傷心畫不成。

晚思

虞泉冬恨由來短，楊葉春期分外長。  
惆悵浮生不知處，明朝依舊出滄浪。

長信宮二首

天上夢魂何杳杳，日宮消息太沉沉。  
君恩不似黃金井。

一處團圓萬丈深

天上鳳皇休寄夢  
人間鸚鵡舊堪悲  
平生心緒無人識  
一隻金梭萬丈絲

此首題一作長門怨

長安旅懷

馬嘶九陌年年苦  
人語千門日日新  
唯有終南寂無事  
寒光不入帝鄉塵

春

天柱幾

一作月桂數

條搯白日天門幾  
扇鎖明時陽春發  
處無

根蒂憑仗東風分外吹

明月斷魂清靄靄  
平蕪歸思綠迢迢  
人生莫遣頭如雪

縱得春

一作東

風亦不消

秋

陽羨溪聲冷駭人洞庭山翠晚凝神天將金玉爲風露  
曾爲高秋幾度貧

灞陵亭

一條歸夢一作路朱弦直一片離心白羽輕明日灞陵新霽  
後馬頭煙樹綠相迎

偶作二首

丁當玉佩三更雨平帖金閨一覺雲明日薄情何處去  
風流春水不知君

霞衣重疊紅蟬暖雲髻惹籠紫鳳寒天上少年分散後  
一條煙水若爲看

全唐詩  
永夕

雲鴻宿處江村冷，獨狖啼時海國陰。  
不會殘燈無一事，覺來猶有向隅心。

落花

一葉落時空下淚，三春歸盡復何情。  
無人共得東風語，半日尊前計不成。

下第後上永崇高侍郎

天上碧桃和露種，日邊紅杏倚雲栽。  
芙蓉生在秋江上，不向東風怨未開。

句

君恩秋後葉，日日向人疎。

宮詞



吾恩殊對葉日日向人輕

白

不向東風愁未開

天上雙蝶味靈動日曼瑤杏奇雲殊芙蓉生玉蝶

不策對土承崇高卦順

半日尊前信不知

一葉蓉初空不效三春驪盡對何計無人共醫東風語

答蘇

覺來醉首向開心

雲懸窗處玉林冷斷外却却或圍會不

宋文

全唐詩

章碣

章碣孝標之子登乾符進士第後流落不知所終詩一  
卷

城南偶題

誰家朱閣道邊開竹拂欄干滿壁苔野水不知何處去  
遊人却是等閑來南山氣聳分紅樹北闕風高隔紫苔  
可惜登臨好光景五門須聽鼓聲迴

贈邊將

千千鐵騎擁塵紅去去平吞萬里空宛轉龍蟠金劍雪  
連錢豹躩繡旗風行收部落歸天闕旋進封疆入帝聰

全唐詩  
只有河源與遼海如今全屬指麾中

桃源

絕壁相欹是洞門昔人從此入仙源  
數株花下逢珠翠半曲歌中老子孫  
別後自疑園吏夢歸來誰信釣翁言  
山前空有無情水猶遶當時碧樹村

曲江

日照香塵逐馬蹄風吹浪濺幾回隄  
無窮羅綺填花徑大半笙歌占麥畦  
落絮却籠他樹白嬌鶯更學別禽啼  
祇緣頻燕蓬洲客引得遊人去似迷

送韋岫郎中典泗州

一作癸丑歲毗陵會中貽同老

玉皇恩詔別星班去壓徐方分野間  
有鳥盡巢垂汴柳

無樓不到

對一作

隔淮山旌旗漸向行時擁案牘應從到日

閑想憶朝天獨吟坐旋飛

一作攜

新作過秦關

贈婺州蘇員外

帝念瓊枝欲並芳星分婺女寄仙郎鸞從闕下雖辭侶

鴈到江都却續行

員外弟冲時任衢州

煙月一時搜古句山川兩地植

甘棠即看龍虎西歸去便佐羲軒活萬方

寄友人

謝家山水屬君家曾共持鈞擲歲華竹裏竹雞眠蘚石  
溪頭鷄鷺踏金沙登樓夜坐三層月接果春看五色花  
昨日西風動歸思滿船涼葉在天涯

兩



低着煙花漠漠輕正堪吟坐掩柴扃亂沾細網垂窮巷  
斜送陰雲入古廳鎖却暮愁終不散添成春醉轉難醒  
霽來還有風流事重染南山一遍青

觀錫宴

傾朝朱紫正駢闐紅杏青莎映廣筵不道樓臺無錦繡  
只愁塵土撲神仙魚銜嫩草浮池面蝶趁飛花到酒邊  
日暮驂騑相擁去幾人沉醉失金鞭

城東卽事

閑尋香陌鳳城東時暫開襟向遠風玉笛一聲芳草外  
錦鴛雙起碧流中苑邊花竹濃如繡渭北山川澹似空  
回首漢宮煙靄裏天河金閣未央宮

夏日湖上即事寄晉陵蕭明府

亭午羲和駐火輪，開門嘉樹庇湖濱。  
行來賓客奇茶味，睡起兒童帶篔簹。  
屋小有時投樹影，舟輕不覺入鷗羣。  
陶家豈是無詩酒，公退堪驚日已曛。

對月

殘霞卷盡出東溟，萬古難消一片冰。  
公子踏開香徑蘚，美人吹滅畫堂燈。  
瑤輪正輾丹霄去，銀箭休催皓露凝。  
別有洞天三十六，水晶臺殿冷層層。

一作難登

浙西送杜晦侍御入關

紫詔徵賢發帝聰，繡衣行處撲香風。  
鶚歸秦樹幽禽散，星出吳天列舍空。  
捧日思馳仙掌外，朝宗勢動海門中。

鞭鞘所拂三千里多少諸侯合避驄

寄江東道友

野亭歌罷指西秦避俗爭名興各新  
碧帶黃麻呈縹緲短竿長線弄因循  
夜潮分卷三江月曉騎齊驅九陌塵  
可惜人間好聲勢片帆羸馬不相親

下第有懷

故鄉朝夕有人還欲作家書下筆難  
滅燭何曾妨夜坐傾壺不獨爲春寒  
遷來鶯語雖堪聽落了楊花也怕看  
但使他年遇公道月輪長在桂珊珊

春日經湖上友人別業

何處狂歌破積愁攜觴共下木蘭舟  
綠泉濺石銀屏濕

黃鳥逢人玉笛休天借煙霞裝島嶼春鋪錦繡作汀洲  
一年一電逡巡事不合花前不醉遊

長安春日

春日皇家瑞景遲東風無力雨微微六宮羅綺同時泊  
九陌煙花一樣飛暖著柳絲金蘂重冷開山翠雪稜稀  
輸他得路蓬洲客紅綠山頭爛醉歸

陪浙西王侍郎夜宴

深鎖雷門宴上才旋看歌舞旋傳杯黃金鸚鵡當筵睡  
紅錦薔薇映燭開稽嶺好風吹玉佩鏡湖殘月照樓臺  
小儒末座頻傾耳祇怕城頭畫角催

春別



擲下離觴指亂山趨程不待鳳笙殘花邊馬嚼金銜去  
樓上人垂玉筋看柳陌雖然風裊裊蔥河猶自雪漫漫  
殷勤莫厭貂裘重恐犯三邊五月寒

送謝進士還閩

百越風煙接巨鼇還鄉心壯不知勞雷霆入地建溪險  
星斗逼人梨嶺高却擁木綿吟麗句便攀龍眼醉香醪  
名場聲利喧喧在莫向林泉改鬢毛

焚書坑

竹帛煙銷帝業虛關河空鎖祖龍居坑灰未冷山東亂  
劉項元來不讀書

東都望幸

紀事云高祖侍即南遷歸闕途次連江連州邵安石以  
所業獻遂望至輦下湘主文安石擢第賜賦東都望幸

之刺

懶脩珠翠上高臺  
看月連娟恨不開  
縱使東巡也無益  
君王自領美人來

旅舍早起

跡暗心多感  
神疲夢不遊  
驚舟同厭夜  
獨樹對悲秋  
晚角和人戰  
殘星入漢流  
門前早行子  
敲鐙唱離憂

癸卯歲毘陵登高會中貽同志

流落常嗟勝會稀  
故人相遇菊花時  
鳳笙龍笛數巡酒  
紅樹碧山無限詩  
塵土十分歸舉子  
乾坤大半屬偷兒  
長楊羽獵須畱本  
開濟重為闕下期

上元夜建元寺觀燈呈智通上人

建元看別一作列上元燈處處迴廊鬪火層珠玉亂拋高殿  
佛綺羅深拜遠山僧臨風走筆思呈惠到曉行禪合伴  
能無限喧闐留不得月華西下露華凝

變體詩

蔡寬夫詩話碣詩平  
側各一韻自號變體

東南路盡吳江畔正是窮愁暮雨天鷗鷺不嫌斜雨岬  
波濤欺得逆風船偶逢島寺停帆看深羨漁翁下釣眠  
今古若論英達筭鴟夷高興固無邊

全唐詩

秦韜玉

秦韜玉字仲明京兆人中和二年得准勅及第僖宗幸蜀以工部侍郎為田令孜神策判官投知小錄三卷今編詩一卷

長安書懷

涼風吹雨滴寒更鄉思欺一作人撥不平長有歸心懸馬首可堪無寐枕蛩聲嵐收楚岫和空碧秋染湘江到底清早晚身閑著策去橘香深處釣船橫

檜樹

翠一作雲交幹瘦輪囷嘯雨吟風幾百春深蓋屈盤青塵



尾老皮張展黑龍鱗唯堆一作將寒色資琴興不放秋聲染  
俗塵歲月如波事如夢竟畱蒼翠待何人

讀五侯傳

漢亡金鏡道將衰便有姦臣競佐時專國祇誇兄弟貴  
舉家誰念子孫危後宮得寵人爭附前殿陳誠帝不疑  
朱紫盈門自稱貴可嗟區宇盡瘡痍

春雪

雲重寒空思寂寥玉塵如糝滿春潮片纔著地輕輕陷  
力不禁風旋旋銷惹砌任他香粉如縈叢自學小梅嬌  
誰家醉卷珠簾看弦管堂深暖易調

貧女

蓬門未識綺羅香擬託良媒益自傷誰愛風流高格調  
共憐時世儉梳妝敢將十指誇偏一作纖巧不把雙眉鬪畫  
長苦恨年年壓金線為他人作嫁衣裳

題竹

削玉森森幽思清院家高興尚分明捲簾陰薄漏山色  
欹枕韻寒宜雨聲斜對酒缸偏覺好靜籠碁局最多情  
却驚九陌輪蹄外獨有溪煙數十莖

鸚鵡

每聞別雁競悲鳴却歎一作向一作羨金籠寄此生早是翠襟爭  
愛惜可堪丹觜彊分明雲漫隴樹魂應斷歌接秦樓夢  
不成幸自一作有彌衡一作正平人未識賺他作賦被時輕

寄李處士

呂望甘羅道已彰，只憑時數爲門一作開張。世塗必竟皆應

定，人事都來不在忙。要路強干情本薄，舊山歸去意偏

長。因君指似封侯骨，漸擬回頭別醉鄉。一作鳳凰

對花

長與韶光暗有期，可憐蜂蝶却先知。誰家促席臨低樹，

何處橫釵戴一作帶。小枝麗日多情晴一作晴，疑曲照和風得路合。

偏吹向人，雖道渾無語笑一作幾。勸王孫到醉時。

寄懷

總藏心劔事，儒風大道如今已。渾同會致名，津搜雋彥  
是張愁網絆英雄。蘇公有國皆懸印，楚將無官可賞功。

若使重生太平日也應回首哭塗窮

題刑部李郎中山亭

儂家雲水本相知每到高齋強展眉  
瘦竹緝煙遮板閣卷荷擎一作驚雨出盆池  
笑吟山色同欹枕閑背庭陰對覆  
碁不是主人多野興官開青眼重漁師

八月十五日夜同衛諫議看月

常時月好賴新晴不似年年此夜生  
初出海濤疑尚濕漸來雲路覺偏清  
寒光入水蛟龍起靜色當天鬼魅驚  
豈獨座中堪仰望孤高應到鳳凰城

亭臺

雕楹累棟架崔嵬院宇生煙次第開  
爲向西窗添月色



豈辭南海取花栽意將畫地成幽沼勢擬驅山近小臺  
清境漸深官轉重春時長是別人來

邊將

劍光如電馬如風百捷長輕是掌中無定河邊蕃將死  
受降城外虜塵空旗縫鴈翅和竿裏箭樵雕翎逐隼雄  
自指燕山最高石不知誰爲勒殊功

塞下

到處人皆著戰袍麾旗

一作席箕

風緊馬蹄

一作蹶

勞黑山霜重弓

添硬青冢沙平月更高大野幾重開

一作開

雪嶺長河無限

舊雲濤風林關外皆唐土何日陳兵戍不毛

一作猶尚苑  
兵數似毛

織錦婦

桃花日日覓新奇有鏡何曾及畫眉祇恐輕梭難作匹  
豈辭纖手遍生胝合蟬巧間雙盤帶聯鴈斜銜小折枝  
豪貴大堆酬曲徹可憐辛苦一絲絲

釣翁

一竿青竹老江隈荷葉衣裳可自裁潭定一作靜懸絲影  
直風高斜颭浪紋開朝攜輕棹穿雲去暮背寒塘戴月  
回世上無窮嶮巇事算應難入釣船來

曲江

曲沼深塘躍錦鱗槐煙徑裏碧波新此中境既無佳境  
他處春應不是春金榜真仙開樂席銀鞍公子醉花塵  
明年二月重來看好共東風作主人

隋隄

種柳開河爲勝遊隄前常使路人愁陰埋野色萬條思  
翠束寒聲千里秋西日至今悲兔苑東坡終不反龍舟  
遠山應見繁華事不語青青對水流

天街

九衢風景盡爭新獨占天門近紫宸寶馬競隨朝暮客  
香車爭碾古今塵煙光正入南山色氣勢遙連北闕春  
莫見繁華祇如此暗中還換往來人

紫驪馬

渥洼奇骨本難求況是豪家重紫驪  
臆大宜懸銀壓跨  
力渾欺著一作玉銜頭生獍弄影風隨步一作躡一作躡一作躡衝塵

汗滿溝若遇丈

一作丈

夫能控馭任從騎

一作驅

取覓封侯

問古

大底榮枯各自行兼疑陰騭也難明無門雪向頭中出  
得路雲從脚下生深作四溟何浩渺高爲五嶽太崢嶸  
都來總向人間看直到皇天可是平

豪家

石甃通渠引御波綠槐陰裏五侯家地衣鎮角香獅子  
簾額侵鉤繡辟邪按徹清歌天未曉飲回深院漏猶賒  
四鄰池館吞將盡尚自堆金爲買花

陳宮

臨春高閣擬瀛洲貪寵張妃作

一作事

勝遊便把江山爲已



有豈知臺榭是身讐  
金城暗逐歌聲碎  
鐵甕潛隨舞勢休  
誰識古宮堪恨處  
井桐吟雨不勝秋

送友人罷舉授南陵令

共言愁是酌離杯  
況值弦歌在大才  
獻賦未爲龍化去  
除書猶喜鳳銜來  
花明驛路燕脂暖  
山入江亭罨畫開  
莫把新詩題別處  
謝家臨水有池臺

投知己

爐中九轉鍊雖成  
教主看時亦自驚  
羣嶽竝天先減翠  
大江臨海恐無聲  
賦一作歸已罷吳門釣  
身一作垂老仍拋  
楚岫耕唯有太平  
方寸血今朝盡向隗臺傾

牡丹

拆妖放艷有誰催疑就仙中旋折來圖把一春皆占斷  
固畱三月始教開壓枝金藥香如撲逐朶檀心巧勝栽  
好是酒闌絲竹罷倚風含笑向樓臺

春遊

選勝逢君敘解攜思和芳草遠煙迷小梅香裏黃鶯轉  
垂柳陰中白馬嘶春引美人歌遍一作熟風牽公子酒旗  
低早知有此關身事悔不前年住越溪

仙掌

萬仞連峰積翠新靈蹤依舊印輪巡何如捧日安皇道  
莫把回山示世人已擘峻流穿太嶽長扶王氣擁彊秦  
爲余勢負天工背索取風雲際會身

燕子

不知大厦許栖無  
頻已銜泥到座隅  
曾與佳人竝頭語  
幾回拋却繡工夫

奉和春日玩雪

北闕同雲掩曉霞  
東風春雪滿山家  
瓊章定少千人和

銀樹先一作長開六出花

獨坐吟

客愁不盡本如水  
草色含情更無已  
又覺春愁似草生

何人種在情田裏

採茶歌一作採茶歌

天柱香芽露香發  
爛研瑟瑟穿荻篾  
太守憐才寄野人

山童碾破團團月倚雲便酌泉聲煮獸炭潛然蚪珠吐  
看著晴天早日明鼎中颯颯篩風雨老翠香塵下纔熟  
攪時繞筋天一作秋雲綠耽書病酒兩多情坐對閩甌睡先  
足洗我胸中幽思清鬼神應愁歌欲成

貴公子行

堦前莎球綠不捲銀龜噴香挽不斷亂花織錦柳撚線  
妝點池臺畫屏展主人公業傳國初六親聯絡馳朝車  
鬪鷄走狗家世事抱來皆佩一作著黃金魚却笑儒生把書  
卷學得顏回忍飢面

吹笙歌

信陵名重憐高才見我長吹青眼開便出燕姬再傾醕



此時花下逢仙侶，彎彎狂月壓秋波。  
兩條黃金閨黃霧，逸艷初因醉態見。  
濃春可是韶光與，纖纖軟玉捧暖笙。  
深思香風吹不去，檀唇呼吸宮商改。  
怨情漸逐清新舉，岐山取得嬌鳳雛。  
管中藏著輕輕語，好笑襄王大迂闊。  
曾臥巫雲見神女，銀鎖金簧不得聽。  
空勞翠輦衝泥雨，一雙十指玉纖纖。  
不是風流物，不粘鸞鏡巧梳勻。  
翠黛畫樓閑望擘珠簾，金杯有喜輕輕點。  
銀鴨無香旋旋添，因把剪刀嫌道冷。  
泥人呵了弄人髻。

句

女媧羅裙長百尺，搭在湘江作山色。

瀟湘見詩話總龜

全唐詩

唐彥謙

唐彥謙字茂業并州人咸通時舉進士十餘年不第乾符末攜家避地漢南中和中王重榮鎮河中辟爲從事光啓末貶漢中掾曹楊守亮鎮興元署爲判官累官至副使閬壁絳三州刺史彥謙博學多藝文詞壯麗至於書畫音樂無不出於輩流號鹿門先生集三卷今編詩二卷

逢韓喜

相逢渾不覺祇似茂陵貧  
裊裊花驕客  
瀟瀟雨淨春  
借書消茗困  
索句寫梅真  
此去青雲上  
知君有幾人

夜坐示友

夜久燭花落淒聲生遠林有懷嫌會淺無事又秋深黃  
葉歸田夢白頭行路吟山中亦可樂不似此同襟

梅亭

東海窮詩客西風古驛亭髮從殘歲白山入故鄉青世  
事徒三窟兒曹且一經丁寧速賒酒煮粟試砂瓶

歲除

索索風搜客沈沈雨洗年殘林生獵跡歸鳥避窰煙節  
物杯漿外溪山鬢影前行藏都未定筆硯或能捐

詠月

陰盛此宵中多爲雨與風坐無風雨至看與雪霜同抱

濕離遙海傾寒向遠空年年不相一作可值還似道難通

聞應德茂先離棠溪

落日蘆花兩行人穀樹村青山時問路紅葉自知門首  
宿窮詩味芭蕉醉墨痕端知棄城市經席許頻溫

松

托根蟠泰華倚幹蝕莓苔誰云山澤間而無梁棟材

梅

玉人下瑤臺香風動輕素畫角弄江城鳴璫月中墮

蘭二首

清風搖翠環涼露滴蒼玉美人胡不紉幽香藹空谷  
謝庭漫芳草楚畹多綠莎于焉忽相見歲晏將如何



葡萄

金谷風露涼綠珠醉初醒珠帳夜不收月明隨清影

春草

隨夢入池塘無心在金谷春風自年年吹遍天涯綠

漁

相聚即爲鄰煙火自成簇約伴過前溪撐破蘼蕪綠

雷別四首

鵬程三萬里別酒一千鍾好景當三月春光上國濃  
野花紅滴滴江燕語喃喃鼓吹翻新調都亭酒正酣  
登庸趨俊乂厠用野無遺起喜賡歌日明良際會時  
鹽車淹素志長坂入青雲老驥春風裏奔騰獨異羣

秋葵

月辨團欒翦楮羅長條排藥綴鳴珂傾陽一點丹心在  
承得中天雨露多

春草

天北天南遶路邊托根無處不延綿萋萋總是無情物  
吹綠東風又一年

春日偶成

簫箏簫管和琵琶興滿金尊酒量賒歌舞畱春春似海  
美人顏色正如花

秋日感懷

溪上芙蓉映醉顏悲秋宋玉鬢毛斑無情最恨東流水

暗逐芳年去不還

七夕

會合無由歎久違  
一年一度是緣非  
而予願乞天孫巧  
五色綉針補袞衣

懷友

金井涼生梧葉秋  
閑看新月上簾鉤  
冰壺總憶人如玉  
目斷重雲十二樓

翡翠

莎草汀汀漫晚潮  
翠華香撲水光遙  
玉樓春暖笙歌夜  
妝點花鈿上舞翹

詠馬二首

紫雲團影電飛瞳  
駿骨龍媒自不同  
騎過玉樓金轡響  
一聲嘶斷落花風

峻嶒高聳骨如山  
遠放春郊首窟間  
百戰沙場汗流血  
夢魂猶在玉門關

畱別

丹湖湖上送行舟  
白鴈啼殘蘆葉秋  
采石江頭舊時路  
題詩還憶水邊樓

詠竹

醉卧涼陰沁骨清  
石牀冰簟夢難成  
月明午夜生虛籟  
悞聽風聲是雨聲

憶孟浩然



郊外凌競西復東  
雪晴驢背興無窮  
句搜明月梨花內  
趣入春風柳絮中

寄友三首

新酒秦淮縮項鱸  
凌霄花下共流連  
別來客邸空翹首  
細雨春風憶往年

寒燈孤對擁青氊  
牢落何如似客邊  
却憶花前酣後飲  
醉呼明月上遙天

客裏逢春一惘然  
梅花落盡柳如煙  
無情最恨東來鴈  
底事音書不肯傳

無題十首

細草鋪茵綠滿堤  
燕飛晴日正遲遲  
尋芳陌上花如錦

折得東風第一枝

錦箏銀甲響鶖弦  
勾引春聲上綺筵  
醉倚闌干花下月  
犀梳斜亸鬢雲邊

楚雲湘雨會陽臺  
錦帳芙蓉向夜開  
吹罷玉簫春似海  
一雙綵鳳忽飛來

春江新水促歸航  
惜別花前酒漫觴  
倒盡銀瓶渾不醉  
却憐和淚入愁腸

誰知別易會應難  
目斷青鸞信渺漫  
情似藍橋橋下水  
年來流恨幾時乾

漏滴銅龍夜已深  
柳梢斜月弄疎陰  
滿園芳草年年恨  
剔盡燈花夜夜心

夜合庭前花正開  
輕羅小扇爲誰裁  
多情驚起雙蝴蝶  
飛入巫山夢裏來

憶別悠悠歲月長  
酒兵無計敵愁腸  
柔絲漫折長亭柳  
綰得同心欲寄將

楊柳青青映畫樓  
翠眉終日鎖離愁  
杜鵑啼落枝頭月  
多爲傷春恨不休

雲色鮫鮪拭淚顏  
一簾春雨杏花寒  
幾時重會鴛鴦侶  
月下吹笙和綵鸞

寄同上人

高高山頂寺更有最高人  
定起松鳴屋吟圓月上身雲  
藏三伏熱水散百溪津  
曾乞蘭花供無音人過春

夜坐

愁鬢丁年白，寒燈丙夜青。  
不眠驚戍鼓，久客厭郵鈴。  
洶城噴海，疎疎屋漏星。  
十年窮父子，相守慰飄零。

弔方干處士二首

不謂高名下，終全玉雪身。  
交猶及前輩，語不似今人。  
別號行鳴鴈，遺編感獲麟。  
歛衣應自定，只著古衣一作儀巾。

不比他人死，何詩可挽君。  
淵明元嬾仕，東野別攻文。  
滄海諸公淚，青山處士墳。  
相看莫浪哭，私謚有前聞。

題證道寺

彎環青徑斜，自是野僧家。  
滿澗洗巖液，插天排石牙。  
爐寒餘栢子，架靜落藤花。  
記得逃兵日，門多貴客車。



宿趙岷別業

溪山兵後縣風雪旅中人  
迫夜愁嚴鼓衝寒託軟巾  
摧藏名字在疏率饌殺真  
今代徐元直高風自可親

原上

第五句  
缺一字

危橋橫古渡村野帶平林  
野鷺寒塘靜山禽曉樹深  
雨微風轟雲暗雪侵尋  
安道門前水清遊豈獨吟

寄臺省知己

久懷聲籍甚千里致雙魚  
宦路終推轂親幃且著書  
才名曹太傅文學馬相如  
轍跡東巡海何時適我閤

自詠

白髮三千丈青春四十年  
兩牙搖欲落雙膝痺如攣  
強

什非時彥無聞惜昔賢自期終見惡未忍捨遺編  
遊陽明洞呈王理得諸君

禹穴蒼茫不可探人傳靈笈鎖煙嵐初晴鶴點青邊嶂  
欲雨龍移黑處潭北斗齋壇天寂寂東風仙洞草毵毵  
堪憐尹叟非關吏猶向江南逐老聃

新豐

沛中歌舞百餘人帝業功成里巷新半夜素靈先哭楚  
一星遺火下燒秦貌貅掃盡無三戶雞犬歸來識四鄰  
惆悵故園前事遠曉風長路起埃塵

拜越公墓因遊定水寺有懷源老

越公已作飛仙去猶得潭潭好墓田老樹背風深拓地

野雲依海細分天青峰曉接鳴鐘寺玉井秋澄試茗泉  
我與源公舊相識遺言瀟灑有人傳

任潛謀隱之作

江邊秋日逢任子大理索詩吾欲忘爲問山資何次第  
祇餘丹訣轉淒涼黃金范蠡曾辭祿白首虞翻未信方  
千古浮雲共歸思曉風城郭水花香

晚秋遊中溪

淡竹岡前沙鴈飛小花尖下柘丸肥山雲不卷雨自薄  
天氣欲寒人正歸招伴祇須新稻酒臨風猶有舊苔磯  
故人舊業依稀在怪石老松今是非

寄陳少府兼簡叔高

懷人路絕雲歸海，避俗門深草蔽丘。  
萬事漸消閑客夢，一年虛白少年頭。  
山蠻啼緩從除架，淮鴈來多莫上樓。  
近日鄰家有新釀，每逢詩伴得淹留。

過清涼寺王導墓下

江左風流廊廟人，荒墳拋與梵宮鄰。  
多年羊虎猶眠石，敗壁貂蟬祇貯塵。  
萬古雲山同白骨，一庭花木自青春。  
永思陵下猶淒切，廢屋寒風吹野薪。

第三溪

日晏霜濃十二月，林疎石瘦第三溪。  
雲沙有徑縈寒燒，松屋無人聞晝雞。  
幾聚衣冠埋作土，當年歌舞醉如泥。  
早知涉世真成夢，不棄山田春雨犁。



蒲津河亭

宿雨清秋霽景激  
廣亭高樹向晨興  
煙橫博望乘槎水  
日上文王避雨陵  
孤棹夷猶期獨往  
曲闌愁絕每長憑  
思鄉懷古多一作人傷別  
況此此際哀吟意不勝

毘陵道中

百年只有百清明  
狼狽今年又避兵  
煙火誰開寒食禁  
簪裾那復麗人行  
禾麻地廢生邊氣  
草木春寒起戰聲  
渺渺飛鴻天斷處  
古來還是闔閭城

越城待旦

第三句  
缺一字

策策虛樓竹隔明  
悲來展轉向誰傾  
天寒鴈出萬里  
月落越雞啼四更  
爲底朱顏成老色  
看人青史上新名

清溪白石村村有五尺烏犍託此生

過浩然先生墓

人間萬卷龐眉老眼見堂堂入草萊  
行客須當下馬過故交誰復裏雞來  
山花不語如聽講溪水無情自薦哀  
猶勝黃金買碑碣百年名字已煙埃

贈孟德茂

浩然子

江海悠悠雪欲飛抱書空出又空歸  
沙頭人滿鷗應笑船上酒香魚正肥  
塵土竟成誰計是山林又悔一年非  
平生萬卷應夫子兩世功名窮布衣

秋霽豐德寺與玄貞師詠月

露冷風輕霽魄圓高樓更在碧山巔  
四溟水合疑無地

八月槎通好上天黯黯星辰環紫極喧喧朝市匝青一作蔽蒼

煙夜深獨與巖僧語羣動消聲舉世眠

### 長陵

長安高闕此安劉祔葬纍纍盡列侯豐上舊居無故里  
沛中原廟對荒丘耳聞明一作英主提三尺眼見愚民盜一  
坏千載腐一作豎儒騎瘦馬渭城一作濱斜月一作日重回頭

### 畱別

西入潼關路何時更盍簪年來人事改老去鬢毛侵花  
染離筵淚葵傾報國心龍潭千尺水不似別情深

### 宿獨畱

日晚宿畱城人家半掩門羣鴉棲老樹一犬吠荒村爭

買魚添價新篘酒帶漚  
船頭對新月誰與共清論

客中感懷

客路三千里西風兩鬢塵  
貪名笑吳起說國歎蘇秦  
託興非耽酒思家豈爲尊  
可憐今夜月獨照異鄉人

過三山寺

三山江上寺宮殿望峯堯  
石徑侵高樹沙灘半種苗  
一僧歸晚日羣鷺宿寒潮  
遙聽風鈴語興亡話六朝

望夫石

江上見危磯人形立翠微  
妾來終日望夫去幾時  
歸明月空懸鏡蒼苔漫補衣  
可憐雙淚眼千古斷斜暉

過湖口



金唐言  
江湖分兩路此地是通津雲淨山浮翠風高浪潑銀  
人行俱是客舟住即爲鄰俯仰煙波內蜉蝣寄此身

夜泊東溪有懷

水昏天色晚崖下泊行舟獨客傷歸鴈孤眠歎野鷗溪  
聲牽別恨鄉夢惹離愁酒醒推篷坐淒涼望女牛

登廬山

五老峰巔望天涯在目前湘潭浮夜雨巴蜀暝寒煙泰  
華根同時嵩衡脈共聯憑虛有仙骨日月看推遷

金陵九日

野菊西風滿路香雨花臺上集壺觴九重天近瞻鍾阜  
五色雲中望建章綠酒莫辭今日醉黃金難買少年狂

清歌驚起南飛鴈散作秋聲送夕陽

遊清涼寺

白雲紅樹路紆縈古殿長廊次第行南望水連桃葉渡  
北來山枕石頭城一塵不到心源淨萬有俱空眼界清  
竹院逢僧舊曾識旋披禪衲爲相迎

高平九日

雲淨南山紫翠浮憑陵絕頂望悠悠偶逢佳節牽詩興  
漫把芳尊遣客愁霜染鴉楓迎日醉寒衝涇水帶冰流  
烏紗頻岸西風裏笑插黃花滿鬢秋

金陵懷古

碧樹涼生宿雨收荷花荷葉滿汀洲登高有酒渾忘醉

慨古無言獨倚樓  
宮殿六朝遺古跡  
衣冠千古漫荒丘  
太平時節殊風景  
山自青青水自流

道中逢故人

蘭陵市上忽相逢  
叙別殷勤興倍濃  
良會若同雞黍約  
暫時不放酒杯空  
愁牽白髮三千丈  
路入青山幾萬重  
行色一鞭催去馬  
畫橋嘶斷落花風

早行遇雪

下馬天未明  
風高雪何急  
須臾路欲迷  
頃刻山盡白  
雞犬寂無聲  
曙光射寒色  
荒村絕煙火  
髯凍布袍濕  
王事不可緩  
行行動悽惻

樊登見寄四首

新辭翦秋水洗我胸中塵無由愜良會極目空懷人醉  
來拔劍歌字字皆陽春

輕黃著柳條新春喜更始感時重搔首悵望不能已無  
由託深情傾瀉芳尊裏

明月入我室天風吹我袍良夜最岑寂旅況何蕭條馳  
情望海波一鶴鳴九臯

悠悠括城北眇眇巖泉西宿草暝煙綠苦竹含雲低幽  
懷不可託鷓鴣空自啼

春風四首

春風吹愁端散漫不可收不如古溪水祇望鄉江流  
新花紅爍爍舊花滿山白昔日金張門狼籍餘廢宅



回頭語春風莫向新花叢我見朱顏人多金亦成翁  
多金不足惜丹砂亦何益更種明年花春風自相識

感物二首

駮驥初失羣亦自矜趨騰俛仰歲時久帖然困蚊蠅豪  
鯨逸其穴尺水成滄溟豈無魚鼈交望望爲所憎物理  
有翁張達人同廢興幸無怵迫憂聊復曲吾肱

魚目出泥沙空村百金珍豫章值擁輦細細供蒸薪論  
材何必多適用即能神託交何必深寡求永相親鮑叔  
拙羈魯張生窮厄陳茫然扳援際豈意出風塵

和陶淵明貧士詩七首

貧賤如故舊少壯即相依中心不敢厭但覺少光輝向

來乘時士亦有能奮飛一朝權勢歇欲退無所歸不如  
行其素辛苦奈寒飢人生繫天運何用發深悲

我居在窮巷來往無華軒辛勤衣食物出此二畝園薤  
菘鬱朝露桑柘浮春煙以茲亂心曲智計無他奸擇勝  
不在奢興至發清言相逢樵牧徒混混誰愚賢

松風四山來清宵響瑤琴聽之不能寐中有怨歎音且  
起繞其樹魄何不計尋清陰可敷席有酒誰與斟由來  
大度士不受流俗侵浩歌相倡答慰此霜雪心

中年涉事熟欲學唾面婁逡巡避少年赴穢不敢訓旁  
人吁已甚自喜計慮周微勞消厚疚殘辱勝深憂從知  
爲下安處上反無儔人生各有志勇懦從所求

古人重畝畝有祿不待干德成祿自至釋耒列王官不  
仕亦不貧本自足饗飧後世恥躬耕號呼脫飢寒我生  
千襪後念此愧在顏爲農倘可飽何用出柴關

村郊多父老面垢頭如蓬我嘗使之年言語不待工古  
來名節士敢望彭城龔有叟誚其後更恨道不通一作鄙

哉饒饒者爲隘不爲通低頭拜野老負米吾願從

去年秋事荒販糴仰鄰州健者道路間什百成朋儔今  
年漸向熟庶幾民不流書空自無田與衆同喜憂作詩  
勞鄰曲有倡誰與酬亦無采詩者此修何可修

舟中望紫巖

近山如畫牆遠山如帚長我從雲中來回頭白茫茫惜

去乃爾覺常時自相忘相忘豈不佳遣此懷春傷飄灑  
從何來衣巾濕微涼初疑風雨集冉冉遊塵黃無歸亦  
自可信美非吾鄉登舟望東雲猶向帆端翔

九日遊中溪

悠悠循澗行磊磊據石坐林垂短長雲山綴丹碧顆蓼  
花最無數照水嬌婀娜何知是節序風日自清妥羣童  
競時新萬果間蔬麻欣然爲之醉烏帽危不隨此日山  
中懷孟公不如我

六日十三日上陳微博士

驕雲飛散雨隨風爲有無老農終歲心望施在須臾平  
生官田粟長此禮義軀置之且勿戚一飽任妻孥



青青澤中蒲九夏氣淒寒  
翩翩翠碧羽照影蒼溪間  
巢由薄天下俗士榮一官  
小大各有適自全良獨難

窮居無公憂私此長夏日  
蚊蠅如俗子正爾相妒嫉  
麾驅非吾任遁避亦無術  
惟當俟其定靜坐萬慮一

宿田家

第十四句  
缺一字

落日下遙峰荒村倦行履  
停車息茅店安寢正鼾睡  
忽聞扣門急云是下鄉隸  
公文捧花桺鷹隼駕聲勢  
良民懼官府聽之肝膽碎  
阿母出塘塞老脚走顛躓  
小心事延欸餘糧復匱東  
鄰借種雞西舍覓芳醕  
再飯不厭飽一飲直呼醉  
明朝怯見官苦苦燈前跪  
使我不成眠爲渠滴清淚  
民膏日已瘠民力日愈弊  
空懷伊尹心何

補堯舜治

夏日訪友

提樹生晝涼濃陰撲空翠孤舟喚野渡村疇入幽邃高  
軒俯清流一犬隔花吠童子立門牆問我向何處主人  
聞故舊出迎時倒屣驚訝叙間闊屈指越寒暑殷勤爲  
延欸偶爾得良會春盤擘紫蝦冰鯉斫銀鱠荷梗白玉  
香苻菜青絲脆臘酒擊泥封羅列總新味移席臨湖濱  
對此有佳趣流連送深杯賓主共忘醉清風岸烏紗長  
揖謝君去世事如浮雲東西渺煙水

遊南明山

久聞南明山共慕南明寺幾度欲登臨日逐擾人事于

馬偶閑暇鳴轡忽相聚乘興樂遨遊聊此托佳趣涉水  
渡溪南迢遙翠微裏石磴千疊斜峭壁半空起白雲鎖  
峰腰紅葉暗溪嘴長藤絡虛巖疎花映寒水金銀拱梵  
刹丹青照廊宇石梁卧秋溟風鈴作簷語深洞結苔陰  
嵐氣滴晴雨羊腸轉咫尺鳥道轉千里屈曲到禪房上  
人喜延竚香分宿火薰茶汲清泉煮投閑息萬機三生  
有宿契行廚出盤飧擔甕倒芳醕脫冠挂長松白石藉  
憑倚宦途勞營營暫此滌塵慮闌令促傳觴投壺更聯  
句興來較勝負醉後忘爾汝忽聞吼蒲牢落日下雲嶼  
長嘯出煙蘿揚鞭賦歸去

索蝦

姑孰多紫蝦獨有湖陽優出產在四時極美宜於秋雙  
箝鼓簾鬚當頂抽長矛鞠躬見湯王封作朱衣侯所以  
供盤餐羅列同珍羞蒜友日相親瓜朋時與儔旣名釣  
詩釣又作鉤詩鉤于時同相訪數日承欸畱厭飲多美  
味獨此心相投別來歲云久馳想空悠悠銜杯動遐思  
啜口涎空流封緘托雙鯉于焉來遠求慷慨胡隱君果  
肯分惠否

採桑女

春風吹蠶細如蟻桑芽纔努青鴉嘴侵晨採采誰家女  
手挽長條淚如雨去歲初眠當此時今歲春寒葉放遲  
愁聽門外催里胥官家二月收新絲



送許戶曹

沙頭小燕鳴春和楊柳垂絲煙倒拖將軍樓船發浩歌  
雲檣高插天嗟峨白虹走香傾翠壺勸飲花前金叵羅  
神鰲駕粟升天河新承雨澤浮恩波

詠葡萄

西園晚霽浮嫩涼開尊漫摘葡萄嘗滿架高撐紫絡索  
一枝斜擲金琅璫天風颼颼葉栩栩蝴蝶聲乾作晴雨  
神蛟清夜蟄寒潭萬片濕雲飛不起石家美人金谷遊  
羅幃翠幕珊瑚鈎玉盤新薦入華屋珠帳高懸夜不收  
勝遊記得當年景清氣逼人毛骨冷笑呼明鏡上遙天  
醉倚銀牀弄秋影

蟹

湖田十月清霜墮晚稻初香蟹如虎  
扳罾拖網取賽多  
篋篋桃將水邊貨縱橫連爪一尺長  
秀凝鐵色含湖光  
螯螭石蟹已曾食使我一見驚非常  
買之最厭黃髯老  
償價十錢尚嫌少漫誇丰味過螭蚌  
尖臍猶勝團臍好  
充盤煮熟堆琳琅橙膏醬滌調堪嗜  
一斗擘開紅玉滿  
雙螯啖出瓊酥香岸頭沽得泥封酒  
細嚼頻斟弗停手  
西風張翰苦思鱸如斯丰味能知否  
物之可愛尤可憎  
嘗聞取刺於青蠅無腸公子固稱美  
弗使當道禁橫行

叙別

譙樓夜促蓮花漏樹陰搖月蛟螭走蟠拏對月吸深杯

月府清虛玉兔吼翠盤擘脯臙脂香碧碗敲冰分蔗漿  
十載番思舊時事好懷不似當年狂夜合花香開小院  
坐愛涼風吹醉面酒中彈劍發清歌白髮年來爲愁變

全唐詩

唐彥謙

緋桃

短牆荒圃四無鄰，烈火緋桃照地春。  
坐久好風休掩袂，夜來微雨已霑巾。  
敢同俗態期青眼，似有微詞動絳脣。  
盡日更無鄉井念，此時何必見秦人。

小院

小院無人夜，煙斜月轉明。  
清宵易惆悵，不必有離情。

春雪初霽杏花正芳月上夜吟

霽景明如練，繁英杏正芳。  
姮娥應有語，悔共雪爭光。

文惠宮人



認得前家令宮人淚滿裾不知梁佐命全是沈尚書

贈竇尊師

我愛竇高士棄官仍在家爲嫌句漏令兼不要丹砂

穆天子傳

王母清歌玉琯悲瑤臺應有再來期穆王不得重相見  
恐爲無端哭盛姬

楚天

楚天遙望每長嘯宋玉襄王盡作塵不會瑤姬朝與暮  
更爲雲雨待何人

寄徐山人

一室清羸鶴體孤氣和袖瑩爽冰壺吳中高士雖求死

不那稽山有謝敷

題宗人故帖

所忠無處訪相如  
風笈塵編跡尚餘  
惟有孝標情最厚  
一編遺在茂陵書

垂柳

絆惹春風

一作風光

別有情世間誰敢鬪  
輕盈楚王江畔無端

種餓損纖腰

一作宮娥

學不成

登興元城觀烽火

漢川城上角三呼  
扈蹕防邊列萬夫  
哀似冢前烽火起  
不知泉下破顏無

鄧艾廟

昭烈遺黎死尚羞揮刀斫石恨譙周如何千載留遺廟  
血食巴山伴武侯

曲江春望

杏豔桃光

一作嬌

奪晚霞樂遊無廟有年華漢朝冠蓋皆陵

墓十里宜春漢

一作下

苑花

漢殿

鳥去雲飛意不通夜壇斜月轉松風君王寂慮無消息  
却就閑人覓巨公

賀李昌時禁苑新命

振鷺翔鸞集禁闈玉堂珠樹瑩風儀不知新

一作親

到靈和

殿張緒何如柳一枝

牡丹

顏色無因饒錦繡馨香惟解掩蘭蓀  
那堪更被煙蒙蔽  
南國西施泣斷魂

羅江驛

數枝高柳帶鳴鴉  
一樹山檣自落花  
已是向來多淚眼  
短亭回首在天涯

奏捷西蜀題沱江驛

野客乘軺非所宜  
況將儒懦報戎機  
錦江不識臨邛酒  
且免相如渴病歸

春早落英

紛紛從此見花殘  
轉覺長繩繫日難  
樓上有愁春不淺



小桃風雪凭闌干

仲山

高祖兄仲  
隱居之所

千載遺蹤寄薜蘿  
沛中鄉里舊山河  
長陵亦是閑丘隴  
異日誰知與仲多

漢嗣

漢嗣安危繫數君  
高皇決意勢難分  
張良口辨周昌乞  
同建儲宮第一勛

四老廟

西漢儲宮定不傾  
可能園綺勝良平  
舉朝公將無全策  
借請閑人羽翼成

南梁戲題漢高廟

數載從軍似武夫，今隨戎捷氣偏粗。  
漢皇一作王若問何爲者，免道高陽舊酒徒。

洛神

人世仙家本自殊，何須相見向中途。  
驚鴻瞥過遊龍去，漫惱陳王一事無。

初秋到慈州冬首換絳牧

秋杪方攀玉樹枝，隔年無計待春暉。  
自嫌暫作仙城守，不逐鶯來共燕飛。

重經馮家舊里

馮家舊宅閉柴關，修竹猶存滴一作瀾水灣。  
應繫星辰天上去，不畱英骨葬人間。

克復後登安國寺閣

千門萬戶鞠蒿藜斷燼遺垣一望迷惆悵建章鴛瓦盡  
夜來空見玉繩低

題虔僧室

何緣春恨貯離憂欲入空門萬事休水月定中何所謂  
也嘖者黛托腮愁

見煬帝寶帳

漢文窮相作前王慳惜明珠不斗量翡翠鮫鮪何所直  
千裨萬接上書囊

樓上偶題

塵土無因狎隱淪青山一望每傷神可能前嶺空喬木

應有懷才抱器人

親仁里聞猿

朱雀街東半夜驚楚魂湘

一作和

夢兩徒

一作雨中

清五更撩亂趨

朝火滿口塵埃亦數聲

聞李瀆司勛下世

異鄉丹旆已飄揚一顧深知實未亡  
任被褚裒泉下笑重將北面哭眞長

試夜題省廊桂

麻衣穿穴兩京塵十見東堂綠桂春  
今日競飛楊葉箭魏舒休作畫籌人

竹風



竹映風窗數陣斜  
旅人愁坐思無涯  
夜來畱得江湖夢  
全爲乾聲似荻花

長溪秋望

柳短莎長溪水流  
雨微煙暝立溪頭  
寒鴉閃閃前山去  
杜曲黃昏獨自愁

嚴子陵

嚴陵情性是眞狂  
抵觸三公傲帝王  
不怕舊交嗔僭越  
喚他侯霸作君房

北齊

草草招提強據鞍  
周師乘勝莫回看  
背城肯戰知虛實  
爭奈人前忍笑難

楚世家

偏信由來惑是非一言邪佞脫危機張儀重入懷王手  
駟馬安車却放歸

驪山道中

月殿真妃下綵煙漁陽追虜及湯泉君王指點新豐樹  
幾不親畱七寶鞭

韋曲

欲寫愁腸愧不才多情練漉已低摧窮郊二月初離別  
獨傍寒村嗅野梅

黃子陂荷花

十頃狂風撼麴塵緣堤照水露紅新世間花氣皆愁絕

恰是蓮香更惱人

野行

蝶戀晚花終不去  
鷗逢春水固難飛  
野人心地都無著  
伴蝶隨鷗亦不歸

興元沈氏莊

清淺縈紆一水間  
竹岡藤樹小躋攀  
露沾荒草行人過  
月上高林宿鳥還  
江遶武侯籌筆地  
雨昏張載勒銘山  
異鄉一笑因酣醉  
忘却愁來鬢髮斑

亂後經表兄瓊華觀舊居

一去仙居似轉蓬  
再經花謝倚春叢  
醉中篇什金聲在  
別後音書錦字空  
長憶映碑逢  
若士未曾攜杖逐  
壺公

東風狼籍苔侵徑蕙草香銷杏帶紅

秋霽夜吟寄友人

楔柳蕭疎溽暑收金商頻伏火西流塵衣歲晚綠身賤  
雨簟更深滿背秋前事悲涼何足道遠書慵懶未能修  
惟思待月高梧下更就東牀訪惠休

賀李昌時禁苑新命

玉簡金文直上清禁垣丹地閉嚴扃黃扉議政參元化  
紫殿稱觴拂壽星萬戶千門迷步武非煙非霧隔儀形  
塵中舊侶無音信知道遼東鶴姓丁

寄蔣二十四

鳥嘯蜂飛日漸長旅人情味悔思量禪門澹薄無心地



世事生疎欲面牆二月雲煙迷柳色九衢風土帶花香  
大一作亦知高士禁愁寂試倚闌干莫斷腸

寄懷

有客傷春復怨離夕陽亭畔草青時淚從一作隨紅蠟無由  
制腸比朱弦恐更危梅向好風惟是笑柳因微雨不勝  
垂雙溪未去饒歸夢夜夜孤眠枕獨欹

送樊館司業歸朝

近者蘇司業文雄道最先夫君居太學妙譽繼中行汲  
郡陵初發汾陰篋久亡寂寥方倚席容易忽升堂去日  
應懸榻來時定裂裳愜心頻拾芥應手屢穿楊辯急如  
無敵飛騰固自強論心期舌在問事畏頭長駟馬終題

柱諸生悉面牆啗蝨譏爾雅賣餅訴公羊

三國志注魏嚴幹善春秋公羊鍾繇好左

氏謂公羊為賣餅家

未見泥函谷俄驚火建章煙塵昏象魏行在隔

巴梁紅粟填郿塢青袍過壽陽剪茅行殿濕伐栢舊陵  
香鬢室青衿盡渠門火旆揚雲飛同去國星散各殊方  
賤子悲窮轍當年亦擅場齋辛尋幼婦醴酒憶先王聖  
域探姬孔皇風樂禹湯畏誅輕李喜言命小臧倉折樹  
休盤槩沈鉤且釣璜瀉都問詞客他日莫相忘

奉使岐下聞唐弘夫行軍為賊所擒傷而有作

報國捐軀實壯夫楚囚垂欲復神都雲臺畫像皆何者  
青史書名或不孤散卒半隨袁校尉寡妻休問辟司徒  
聞君敗績無歸計氣激星辰坐向隅

咸通中始聞褚河南歸葬陽翟是歲上平徐方  
大肆慶賞又詔八品錫其裔孫追叙風槩因成

二十韻

冊府藏餘烈皇綱正本朝不聽還笏諫幾覆綴旒祧咫尺言終直愴惶道已消淚心傳位日揮涕授遺朝飛燕潛來趙黃龍豈見譙旣迷秦帝鹿難問賈生鵬穆卜緘滕秘金根轍跡遙北軍那奪印東海漫難橋羅織黃門訟笙簧白骨銷炎方無信息丹旄竟淪漂邂逅江魚食淒涼楚客招文中忠徒謚議子卯但簫韶未見公侯復尋傷嗣續凋流年隨水逝高誼薄層霄柱石林公遠縑緡故國饒奇蹤天驥活遺軸錦鸞翹近者淮夷戮前年歸

馬調始聞移北葬兼議蔭山苗聖澤覃將溥貞魂喜定  
飄異時窮巷客懷古漫成謠

岐王宅

朱邸平臺隔禁闈貴遊陳跡尚依稀雲低雍時祈年去  
雨細長楊縱獵歸申白賓朋傳道義應劉文彩寄音徽  
承平舊物惟君一作名盡猶寫雕鞍伴六飛

身陳一作韋曲野思

淡霧輕雲一作陰匝四垂綠塘秋望獨矚看野蓮隨水無人  
見寒鷺窺魚共影知九陌要津勞目擊五湖閑夢誘一作有  
心期孤燈夜夜愁欹枕一覺一作覺滄洲似昔時

上巳一作上巳  
日寄韓八



上已接寒食鶯花寥落晨微微潑火雨草草踏青人涼  
似三秋景清無九陌塵與余作伯與  
作伯與同病者對此合傷神

移莎

移從杜城曲置在小齋東正是高秋裏仍兼細雨中結  
根方迸竹疎蔭託高桐苒苒齊芳草飄飄笑斷蓬片時  
畱靜者一夜響鳴蛩野露通宵滴溪煙盡日蒙試才卑  
庾薤求味笑周菘只此霜栽好他時贈伯翁

西明寺威公盆池新稻

爲笑江南種稻時露蟬鳴後雨霏霏蓮盆積潤分畦小  
藻井垂陰擢秀稀得地又生金象界結根仍對水田衣  
支公尚有三吳思更使幽人憶釣磯

紅葉

無處不飄揚，高樓臨道旁。  
素娥前夕月，青女夜來霜。  
宿雨隨時潤，秋晴著物光。  
幽懷長若此，病眼更相妨。  
蜀紙裁深色，燕脂落靚粧。  
低叢侵小閣，倒影入迴塘。  
謝眺畱霞綺，甘寧棄錦張。  
何人休遠道，是處有斜陽。  
薜荔垂書幌，梧桐墜井牀。  
晚風生旅館，寒籟近僧房。  
桂綠明淮甸，楓丹照楚鄉。  
鴈疎臨鄴杜，蟬急傍瀟湘。  
樹異桓宣武，園非顧辟疆。  
茂陵愁卧客，不自保危腸。

鷓鴣

一宿南塘煙雨時，好風搖動綠波微。  
驚離曉岸衝花去，暖下春江照影飛。  
華屋撚弦彈鼓舞，綺窗含筆澹毛衣。

畫屏見後長迴首爭得雕籠莫放歸

螢

日下蕪城莽蒼中濕螢撩亂起衰一作花叢寒煙陳后長門  
閉夜雨隋家舊苑空星散欲陵前檻月影低如試北窗  
風羈人此夕方愁緒心似寒灰首似蓬

夜蟬

翠竹高梧夾後溪勁風危露雨淒淒那知北牖殘燈暗  
又送西樓片月低清夜更長應未已遠煙尋斷莫頻嘶  
羈人此夕如三歲不整寒衾待曙雞

七夕

露白風清夜向晨小星垂佩月埋輪絳河浪淺休相隔

滄海波深尚作塵天外鳳皇何寂寞世間烏鵲漫辛勤  
倚闌殿北斜樓上多少通宵不寐一作睡人

中秋夜玩月

一夜一作上高樓萬景奇碧天無際水無涯一作空留皎月當

層漢並送浮雲出四維霧靜一作盡不容玄豹隱冰生惟一作祇

恐夏蟲疑坐來離思憂將曉爭得嫦娥仔細知

八月十六日夜月

斷腸佳賞固難期昨夜銷魂更不疑丹桂影空蟾一作蟬有

露綠槐陰在鵲無枝賴將吟詠聊惆悵早是疎頑耐別

離堪恨賈生曾慟哭不緣清景爲憂時

送韋向之睦州謁使君



才子南遊多遠情，閑舟蕩漾任春行。  
新安江上長如此，何似新安太守清。

春殘

景爲春時短，愁隨別夜長。  
暫暮寧號隱，輕醉不成鄉。  
風雨曾通夕，莓苔有衆芳。  
落花如便去，樓上卽河梁。

玫瑰

麝炷騰清燎，鮫紗覆綠蒙。  
宮妝臨曉日，錦段落東風。  
無力春烟裏，多愁暮雨中。  
不知何事意，深淺兩般紅。

牡丹

真率多情巧思新，固將能事送殘春。  
爲雲爲雨徒虛語，傾國傾城不在人。  
開日綺霞應失色，落時青帝合傷神。

嫦娥婺女曾相送，畱下鷓鴣黃作藥塵。

秋晚高樓

松拂疎窗竹映闌，素琴幽怨不成彈。  
清宵霽極雲離岫，紫禁風高露滿盤。  
晚蝶飄零驚宿雨，暮鴉凌亂報秋寒。  
高樓瞪目歸鴻遠，如信嵇康欲畫難。

離鸞

聞道離鸞思故鄉，也知情願嫁王昌。  
塵埃一別楊朱路，風月三年宋玉牆。  
下疾不成雙點淚，斷多難到九迴腸。  
庭前佳樹名梳子，試結同心寄謝娘。

柳

春思春愁一萬枝，遠村遙岸寄相思。  
西園有雨和苔長，

南內無人拂檻垂遊客寂寥緘遠恨暮鶯啼叫惜芳時  
晚來飛絮如霜鬢恐爲多情管別離

春陰

一寸迴腸百慮侵旅愁危涕兩爭禁天涯已有銷魂別  
樓上寧無擁鼻吟感事不關河裏笛傷心應倍雍門琴  
春雲更覺愁于我閑蓋低村作暝陰

春深獨行馬上有作

日烈風高野草香百花狼籍柳披猖連天瑞靄千門遠  
夾道新陰九陌長衆飲不歡逃席酒獨行無味放遊韉  
年來與問閑遊者若箇傷春向路旁

春雨

綺陌夜來雨春樓寒望迷遠容迎燕戲亂響隅鶯啼有  
恨開蘭室無言對李蹊花欹渾拂檻柳重欲垂堤燈檠  
昏魚目薰爐咽麝臍別輕天北鶴夢怯汝南雞入戶侵  
羅幌梢簷潤繡題新豐樹已失長信草初齊亂蝶寒猶  
舞驚鳥暝不栖庾郎盤馬地却怕有春泥

漢代

漢代金爲屋吳宮綺作寮豔詞傳靜婉新曲定妖嬈箭  
響猶殘夢籤聲報早朝鮮明臨曉日迴轉度春宵半袖  
籠清鏡前絲壓翠翹靜多如有待閑極似無慘梓澤花  
猶滿靈和柳未凋障昏巫峽雨屏掩浙江潮未信潘名  
岳應疑史姓蕭漏因歌暫斷燈爲雨頻挑飲酒闌三雅



投壺賽百嬌  
鈿蟬新翅重金鴨  
舊香焦水淨疑澄  
練霞孤欲建標別  
隨秦柱促愁爲蜀  
弦么立宴難瘳痺  
臨叩但發瘡聯詩  
徵弱絮思友詠甘  
蕉王氏憐諸謝周  
郎定小喬黼幃翹  
綵維波扇畫文鱗  
荇密妨垂釣荷欹  
欲度橋不因衣帶  
水誰覺路迢迢

牡丹

青帝於君事分偏  
穠堆浮豔倚朱門  
雖然占得笙歌地  
將甚酬他雨露恩

湘妃廟

劉表荒碑斷水濱  
廟前幽草閉殘春  
已將愁淚畱班竹  
又感悲風入白蘋  
八族未來誰北拱  
四凶猶在莫南巡

九峰相似堪疑處望見蒼梧不見人

句

獨來成悵望不去泥欄干

惜花見



全唐詩

周朴

周朴字太朴吳興人避地福州寄食烏石山僧寺黃巢  
寇閩欲降之朴不從遂見害詩一卷

題甘露寺

層閣疊危壁瑞因一作因千古名幾連楊子路獨倚潤州城

雲近銜江色鷗高背磬聲僧居上方久端坐見營營

題玄公院

院深塵自外一作幽深如佛值玄公常跡或一作悲非次志門

因得中衣巾離暑氣牀榻向涼風是事不逾分祗應明

德同



福州一作唐東禪寺

甌閩

一作閩

在

一作此

郊外師院號東禪物得居來正人經論後

賢袍

一作絕

槽柳塞馬蓋地月支縱

一作筵

鸛鵲尚

一作更

巢頂誰堪

舉世傳

贈大瀉和尚

大瀉清復深萬象影沈沈有客衣多毳空門偁勝金王  
侯皆作禮陸子只來吟我問師心處師言無處心

秋夜不寐寄崔溫進士

愁多難得寐展轉讀書牀不是旅人病豈知秋夜長歸  
鄉憑遠夢無夢更忘鄉枕上移窗月分明是淚光

春中途中寄南巴

一作巴東

崔使君

旅人遊汲汲春氣又融融農事蛙聲裏歸程草色中獨  
慙出穀雨未變暖天風子玉和予去應憐恨不窮

寄處士方干

桐廬江水閑終日對柴關因想別離處不知多少山釣  
舟春岸泊庭樹曉一作晚鶯一作煙還莫便求棲隱桂枝堪恨顏

寄塞北張符

隴樹塞風吹遼城角幾枝霜凝無暫歇君貌莫應衰萬  
里平沙際一行邊鴈移那堪朔煙起家信正相離

次梧州却寄永州使君

隨風一作雲身不定今夜在蒼梧客淚有時有猿聲無處無

潮添瘴海濶煙拂粵山孤却憶零陵住吟詩半玉壺

贈念經僧

菴前古折碑夜靜念經時月皎一作皓海霞散露濃山草垂  
鬼聞拋故塚禽聽離寒枝想得天花墜馨香拂白鬚

董嶺水

湖州安吉縣門與白雲齊禹力不到處河聲流向西去  
衙山色遠近水月光低中有高人在沙中曳杖藜

早春

良夜歲應足嚴風為變春遍回寒作暖通改舊成新秀  
樹因馨雨一作花馨霧融水雨泛蘋韶光不偏黨禎漸煦疲民

秋深

一作塞上行

柳色尚一作正沈沈風吹秋更深山河空遠道鄉國自鳴砧

巷有千家月人無萬里心  
長城哭崩後寂絕一作莫至今

贈雙峰山和尚

峩峩雙髻山瀑布瀉雲間  
塵世自疑水禪門長去關  
茨神松不異藏寶石俱閑  
向此師清業如何方可攀

贈無了禪師

不學世所惜是何無了公  
靈一作雲匡虛院一作殿外虎跡亂山

中晝夜必連去古今爭敢  
同禪情豈堪問問答更無窮

王霸壇

即今西禪寺山南鑿井有白龜吐泉霸因之煉藥  
點金利濟貧民服其餘藥于皂莢樹下蟬蛻而去

王君上升處信首古居前  
皂樹即須朽白龜應亦全  
雲間猶一日塵裏已千年  
碧色壇如黛時人誰可仙

送梁道士



舊居桐栢觀歸去愛安閑  
倒樹造新屋化人修古壇  
晚花霜後落山雨夜深寒  
應有同溪客相尋學鍊丹

邊思

年高來遠戍白首罷干戈  
夜色薊門火秋聲邊塞風  
磧浮悲老馬月滿引新弓  
百戰陰山去唯添上將雄

哭陳庾

繫馬向山立一枰聊奠君  
野煙孤客路寒草故人墳  
琴韻歸流水詩情寄白雲  
日斜休哭後一作處松韻一作吹不堪聞

宿玉泉寺

野寺度殘夏空房欲暮一作臥時  
夜聽猿不睡秋思客先知  
竹迥煙生薄山高月上遲  
又登塵路去難與老僧期

題赤城中巖寺

一本無下三字

浮世師休話晉時燈照巖禽飛穿靜戶藤結入高杉存  
沒詩千首廢興經數函誰知將俗耳來此避囂讒

塞上行

秦築長城在連雲磧氣侵風吹邊草急角絕塞鴻沈世  
世征人往年年戰骨深遼天望鄉者回首盡霑襟

玉泉寺

寺還名玉泉澄一作列水亦遭賢物尚猶如此人爭一作心合偶  
然溪流雲斷外山峻鳥飛還一作前初日長廊下高僧正坐

禪

春宮怨

一作杜荀鶴詩

周朴

早被嬋娟誤欲妝  
臨鏡慵承恩不在貌  
教妾若為容  
風暖鳥聲碎日高花影重  
年年越溪女相憶采芙蓉

宿劉溫書齋

不掩盈窗日天然格調高  
涼風移蟋蟀落葉在離騷  
迴筆挑燈燼懸圖見海潮  
因論三國志空載幾英豪

登福州南澗寺

萬里重山遶福州南橫一道見溪流  
天邊飛鳥東西沒塵裏行人早晚休  
曉日青一作春山當大衆連雲古塹對高樓  
那堪望斷他鄉目一作外一作客只此蕭條自白頭

望中懷古

齊心樓上望浮雲萬古千秋空姓名  
堯水永銷大際去

姬風一變世間平高蹤盡共煙一作天霞在大道長將日月  
一作白日明從此安然寰海內後來無復謾相傾

昇山寺

昇山自古道飛來此是神功不可猜氣色雖然離禹穴  
峰巒猶自接天台巖邊折樹泉銜落頂上浮雲日照開  
南望閩城塵世界千秋萬古卷塵埃

哭李端

三年翦拂感知音哭向青山永夜心竹在曉煙孤鳳去  
劍荒秋水一龍沈新墳日落松聲小舊色春殘草色深  
不及此時親執紼石門遙想淚霑襟

福州神光寺塔



良匠用材為塔了神光寺更得高名風雲會處千尋出

一作直日月中時八面明海水旋流倭國野天文方戴一作載福

州城相輪頂上望浮世塵裏人心應總一作早晚平

福州開元寺塔

開元寺裏七重一作層塔遙對方山影擬齊雜俗人看離世

界一作坑孤高僧上一作坐覺天低唯堪片片紫霞映不與濛濛

白霧迷心若無私羅漢在參差免向日虹西

春日秦國懷古

荒郊一望欲消魂涇水縈紆傍遠村牛馬放多春草盡

原田耕破古碑存雲和積雪蒼山晚煙伴殘陽綠樹昏

數里黃沙行客路一作路客不堪回首思秦原

春日遊北園寄韓侍郎

灼灼春園晚色分，露珠千點映寒雲。  
多情舞蝶穿花去，解語流鶯隔水聞。  
冷酒杯中宜泛艷，暖風林下自氤氳。  
仙桃不肯全開折，應借餘芳待使君。

喜賀拔先輩衡陽除正字

黃紙晴空墜一絨，聖朝一作明恩澤洗冤讒。  
李膺門客為閑客，梅福官銜改舊銜。  
名自石渠書典籍，香從芸閣著衣衫。  
寰中不用憂天旱，霖雨看看屬傅巖。

客州債居寄蕭郎中

松店茅軒向水開，東頭舍債一裘迴。  
窗吟苦為秋江靜，枕夢驚因曉角催。  
鄰舍見愁賒酒與，主人知去索錢來。

眼看白筆為霖雨，肯使紅鱗便曝腮。

贈李裕先輩

曉擎弓箭入初場，一發曾穿百步楊。  
仙籍舊題前進士，聖朝新奏校書郎。  
馬疑金馬門前馬，香認芸香閣上香。  
閑伴李膺紅燭下，慢吟絲竹淺飛觴。

桐栢觀

東南一境清心目，有此千峰插翠微。  
人在下方衝月上，鶴從高處破煙飛。  
巖深水落寒侵骨，門靜花開色照衣。  
欲識蓬萊今便是，更於何處學忘機。

塞上

受降城必破，回纥頭移蕃道。  
北海北謀生，今始知。

塞上曲

一陣風來一陣砂有人行處沒人家  
黃河九曲水先合  
紫塞三春不見花

塞下曲

石國胡兒向磧東愛吹橫笛引秋風  
夜來雲雨皆飛盡  
月照平沙萬里空

詠猿

生在巫山更向西不知何事到巴溪  
中宵為憶秋雲伴  
遙隔朱門向月啼

桃花

桃花春色暖先開明媚誰人不看來  
可惜狂風吹落後



殷紅片片點莓苔

薛老峰

薛老峰頭三箇字須知此與石齊生直教截斷蒼苔色  
浮世人儕眼始明

弔李羣玉

羣玉詩名冠李唐投詩換得校書郎吟魂醉魄知何處  
空有幽蘭隔岸香

無等巖

建造上方藤影裏高僧往往似天台不知名樹簷前長  
曾問道人巖下來

句

古陵寒雨集高鳥夕陽明 高情千里外長嘯一聲初

以上見張  
為主客圖

月離山一丈風吹花數苞

見吟窗  
雜錄

曉來山鳥

關雨過杏花稀

見優古  
堂詩話

曲渚回灣鎖釣舟

平潮晚影

沈清底遠岳危欄等翠尖

以上見海  
錄碎事

白日纔離滄海底

清光先照戶窗

靈巖廣化  
寺見圖志

連雲天塹有山色極目海

門無鴈行

可憐黃雀銜將去從此莊周夢不成

味蝶  
見泉州

志 禪是大瀉詩是朴大唐天子只三人

贈大  
瀉